

CORRECCIÓN DE ERROS: ORDE do 7 de xuño de 2017 pola que se convoca concurso público de méritos para cubrir postos de asesorías do Servizo de Formación do Profesorado, Centro Autonómico de Formación e Innovación e dos centros de formación e recursos.

Advertidos erros na publicación da convocatoria de concurso específico de méritos para cubrir postos de asesorías do Servizo de Formación do Profesorado, Centro Autonómico de Formación e Innovación e dos centros de formación e recursos, cómpre facer as seguintes correccións, que serán obxecto de publicación no portal de Internet da Consellería de Cultura, Educación e Ordenación Universitaria da Xunta de Galicia, <http://www.edu.xunta.es>.

No título da orde, onde di:

<<ORDE do 7 de xuño de 2017 pola que se convoca concurso público de méritos para cubrir postos de asesorías do Servizo de Formación do Profesorado, Centro Autonómico de Formación e Innovación e dos centros de formación e recursos>>

Debe dicir:

<<ORDE do 7 de xuño de 2017 pola que se convoca concurso público de méritos para cubrir postos de dirección dos centros de formación e recursos e asesorías do Servizo de Formación do Profesorado, Centro Autonómico de Formación e Innovación e dos centros de formación e recursos>>

Na exposición de motivos inclúese un novo segundo parágrafo, da seguinte teor:

“Neste decreto determínase que os centros de formación e recursos contarán cun director que será o responsable do centro e representante da Administración educativa”.

No artigo 1, onde di:

<<Artigo 1. *Obxecto*

Esta orde ten por obxecto convocar concurso público de méritos para a provisión dos postos de asesorías de formación no Servizo de Formación do Profesorado (SFP), no Centro Autonómico de Formación e Innovación (CAFI) e nos centros de formación e recursos (CFR), que se relacionan no anexo II.>>

debe dicir:

<<Artigo 1. *Obxecto*

Esta orde ten por obxecto convocar concurso público de méritos para a provisión dos postos de dirección dos centros de formación e recursos (CFR) e de asesorías de formación no Servizo de Formación do Profesorado (SFP), no Centro Autonómico de Formación e Innovación (CAFI) e nos centros de formación e recursos (CFR), que se relacionan no anexo II.>>

No artigo 2, onde di

<<Artigo 2. *Requisitos de participación*

Poderá participar neste concurso o persoal funcionario de carreira dos corpos docentes que imparten as ensinanzas establecidas na Lei orgánica 2/2006, do 3 de maio, de Educación, que cumpran cos seguintes requisitos o 31 de agosto de 2017:

1. Contar cun mínimo dun ano de experiencia docente como persoal funcionario.
2. Aqueles que se correspondan cos requisitos das prazas que figuran no anexo II da presente orde.>>

debe dicir:

<<Artigo 2. *Requisitos de participación*

Poderá participar neste concurso o persoal funcionario de carreira dos corpos docentes que imparten as ensinanzas establecidas na Lei orgánica 2/2006, do 3 de maio, de Educación, con destino en centros dependentes da Consellería de Cultura, Educación e Ordenación Universitaria que cumpran cos seguintes requisitos a 31 de agosto de 2017:

1. Contar cun mínimo de cinco anos de experiencia docente como persoal funcionario para os postos de dirección de CFR e dun ano para os postos de asesoría.
2. Aqueles que se correspondan cos requisitos das prazas que figuran no anexo II da presente orde>>

No artigo 3, onde di:

<<O perfil do persoal asesor do SFP, do CAFI e dos CFR deberá responder ao dunha persoa docente coas seguintes características>>:

(...)

debe dicir:

<<O perfil das direccións dos CFR e asesorías do SFP, do CAFI e dos CFR deberá responder ao dunha persoa docente coas seguintes características>>:

(...)

No artigo 12, onde di:

<<Artigo 12. *Retribucións*

Para os efectos de retribucións, en concepto de complemento específico, o persoal funcionario docente que resulte seleccionado poderá percibir o complemento específico correspondente ao asesor técnico docente, segundo o establecido no anexo V, 2º da Orde do 10 de febreiro de 2017 (*DOG* núm. 32, do 15 de febreiro) pola que se ditan instrucións sobre a confección de nóminas do persoal ao servizo da Administración autonómica para o ano 2017.>>

debe dicir:

<<Artigo 12. *Retribucións*

Para os efectos de retribucións, en concepto de complemento específico, o persoal funcionario docente que resulte seleccionado poderá percibir o complemento específico correspondente á dirección ou asesor de CFR ou asesor técnico docente, segundo o establecido no anexo V, 2º da Orde do 10 de febreiro de 2017 (*DOG* núm. 32, do 15 de febreiro) pola que se ditan instrucións sobre a confección de nóminas do persoal ao servizo da Administración autonómica para o ano 2017.>>

O anexo IV substitúese polo seguinte:

ANEXO IV

Contido do proxecto que deben presentar as persoas aspirantes a prazas de dirección dos CFR e a asesorías do SFP, CAFI e CFR

1. Dirección de CFR:

Proxecto de dirección:

a) Contexto

-Estrutura socioeducativa do ámbito de actuación do CFR.

-Valoración das principais liñas estratéxicas de formación permanente do profesorado no sistema educativo galego. Propostas de actuación.

b) Desenvolvemento das competencias profesionais do profesorado. Propostas de acción.

c) Organización interna e xestión de recursos: planificación, seguimento e avaliación nun sistema de mellora continua.

d) Achegas persoais.

2. Asesorías de CAFI e CFR:

Proxecto de actuación: adaptación á asesoría/departamento a que se opta:

a) Contexto do proceso de formación permanente do profesorado en Galicia.

b) Valoración das principais liñas estratéxicas de formación permanente do profesorado no sistema educativo galego.

c) Competencias profesionais do profesorado: definición, itinerarios formativos, seguimento e avaliación.

d) Proposta de actuación para a praza a que se opta.

e) Achegas persoais.

3. Asesorías do SFP:

Proxecto de actuación: adaptación á praza a que se opta de acordo co perfil que se determina no anexo II, e deberá conter os obxectivos, planificación xeral, actividades, xustificación e definición a que corresponde a praza que se solicita.